

Datum anno domini MCCCXLIII sexto Kalendas Aprilis in vigilia Palmarum.

*Abschrift im Privilegienbuche S. 163 mit der Ueberschrift: Eggerstorp de quodam pomerio in F. XIII.*

1344, Juni 10.

206.

*Werner von Wanzleben resignirt dem Kloster Berge 3 Morgen auf Bardesleber Feldmark.*

Sineme leven hern den abbede van Berghe en bede ek her Werner van Wantzleve min willighe denest. Gi scollen weten umme de dre morghene, de ek im afgewesselt hebbe uppe dem velde van Bardesleve, dat ek ingk wedder hebbe ghegeven dre morghene in deme sulven velde und wil der silven morghene iw wer sin wor es iw not is eder iuwene capitele und dise bref is gegheven na godes bort dusent iar drehundert iar in deme ver und vertigesten iare in deme achteden daghe des hilligen lichammes uses hernn.

*Unvollständige Abschrift im Privilegienbuche S. 77 mit der Ueberschrift: Billingstorp renuntiatio. in capsula G VII.*

1346, Februar 24.

207.

*Volrad von Dreileben übergiebt dem Kloster Berge einen Hof in Bahrendorf.*

In deme namen goddes amen. Ich Volrad von Dreyneleve bekenne und betughe oppenbaren in disseme iheghenwerdyghen brieve und do witlich alle den de en sen efte horen lesen und alden de noch scolen to komen, dat ich mit vry willen und mit gudeme vorrate von miner weghene und von miner elderen weghene hebbe gheven und gheve und oppere deme hilleghen heren sente Johanse baptisten to Berghe eynen hof to Bardendorp, de dar lit bi der kerken, den Hannes Dreghowe und Tamme, syn broder, von me hebben hat, vri eghen mit alle deme rechte, also also he an mich gheervit is von miner elderen weghene litterliken durch unsen heren ghod und durch de gnade, de ich langhe hebbe ghehat to deme goddeshouse to Berghe, ewicliken to besittene und vry eghen to hebbene, und vortygue alle des rechtes, des ich und mine waren erven hebben ghehat und hebben machten an dem selven hove, und hebbe wiset und wise de erbaren knapen, de den selven hof und dat leyn von minen elderen un von me hebben ghehat, an den edelen vorsten den abbet und an dat goddeshus to Berghe mit disseme unterschiede, dat de vorsproken heren mines vader sele un miner moder denken scolen, wen ore iartid is un kumpt, unde och miner sele, wanne ich von henne schede. Tho eyneme orkunde disser ding stede un ganz to haldene und to blivene so hebbich Volrad vorsprokene dissen brief